



Beleid en Kriteria vir Laudatio prestasies 2020

❖ **Doel van Laudatio:** Die erkenning van Helpmekaar – leerders

1. **Toekenning vir Skoolkleure** (Erekleure, Balkies, Sertifikate)

Alle aktiwiteite waar interskole-kompetisie plaasvind (rangorde van skole vind plaas) en waar die aktiwiteit deur Helpmekaar gefasiliteer word.

Die volgende beginsels tel vir alle aktiwiteite:

- Alle toekennings word gemaak op grond van die kriteria vir elke aktiwiteit (sien insetsel met Sport-en Kultuurkriteria).
- Toekennings is onderhewig aan 80% kompetisie-deelname en 90% oefening-bywoning.
- 'n 3e sertifikaat word 'n balkie en 'n 3e balkie word erekleure (hoef NIE opeenvolgende te wees nie).
- Leerders wat provinsiale kleure verwerf, MOET aan die nasionale kampioenskappe deelneem om vir hul toekenning te kwalifiseer.
- Geen erekleure kan verwerf word indien 'n leerder nie ook deel is van die skoolaktiwiteit nie.
- Nuwe leerders: Helpmekaar sal alle vorige skoolsportkleure slegs op individuelevlak erken (NIE spanverband nie), na een seisoen van dienslewering vir Helpmekaar, volgens Helpmekaar se kriteria.
- Indien 'n leerder 'n aktiwiteit staak, verloor hy/sy ook die voorreg van die erkenning en mag hy/sy dan nie meer die balkie/erekleure-drag dra nie. (Uitgesluit ernstige beserings/omstandighede buite hy/sy beheer).

Kleredrag vir Skoolkleure

Graad 8

- Balkie-toekenning: dra bruin balkie op bruin baadjie.
- Erekleure-toekenning: dra bruin balkie met sterretjie; koop bruin erekleure sakwapen (opsioneel)

Graad 9

- Balkie-toekenning: dra bruin balkie op bruin baadjie.
- Erekleure-toekenning: Kry aan die einde van graad 9 jaar die wit balkie saam met sy/haar erekleure-baadjie met wit sakwapen.

*L.W. Kry nie aan die einde van graad 9 vir graad 8 se erekleuretoekennings 'n wit balkie nie; behou die bruin sterretjie balkie vir graad 8 toekennings. Geen wit balkies mag op 'n bruin baadjie wees nie.

Graad 10-12

- Dra erekleurebaadjie met wit balkies vir erekleuretoekennings.
- Dra bruin balkies vir 'balkie-toekennings'.

*L.W. Leerders wat deur die jaar kwalifiseer vir erekleure, mag by die Laudatio-organiseerders aansoek doen vir hulle erekleure-baadjie.

Wit "Hoodie"– slegs vir Helpmekaar Kollege aktiwiteite.

Die wit "hoodie" word as 'n drag erken en NIE as 'n toekenning nie.

SPORT	KULTUUR
<p>Slegs vir eerstespanne of podiumplekke soos aangedui. Skaak: Senior A-span; Gholf: A-span; Tennis: Senior A-span; Oriëntering: Podiumplek; Swem: Podiumplek by Prestige Interhoër; Atletiek: Podiumplek by Interhoër A-bond; Boogskiet: Top 3 by Provinsiale Kompetisie; Skyfskiet: Top 3 by Provinsiale Kompetisie. Mag ook slegs gedra word indien leerder nog deel van die betrokke aktiwiteit is.</p>	<p>Slegs indien leerder as span of individu Helpmekaar Kollege op Nasionale vlak verteenwoordig of indien 'n leerder 'n podiumplek in 'n Nasionale Kompetisie behaal. Nie vir Juniorspanne nie. Mag ook slegs gedra word indien leerder nog deel van die betrokke aktiwiteit is.</p>

2. Toekenning vir Buiteskoolse aktiwiteite (Buite-Sport balkie/sertifikaat en Buite-Kultuur balkie/sertifikaat)

Vir nie-Helpmekaar-aktiwiteite of aktiwiteite waar daar geen interskole-kompetisie is nie, is die hoogste toekenning 'n Buite-sport/kultuur balkie.

Buiteskoolse Toekennings:

- Buite-Kultuur sertifikaat: Toegeken vir kultuur-prestasies bv. Itemwenner by Con Spirito, dans medaljes by IDO Championships, podiumplek by nasionale modelkompetisie ens. (NIE slegs vir deelname nie.)
- Buite-Kultuur balkies: Slegs vir NEA Eisteddfod Top 3, Con Spirito Forté wenners, uitsonderinge soos bepaal deur die paneelvergadering (Bestaan uit Kultuurverteenwoordigers en Laudatio-kriteria komiteede).
- Buite-Sport sertifikaat: Deelname op streeksvlak.
- Buite-Sport balkies: Deelname op Nasionale-vlak.

Die volgende beginsels tel vir 'n Buite-skool balkie:

- Moet provinsie verteenwoordig op Nasionale Kampioenskappe.
- Vir aktiwiteite sonder proewe/provinsiale verkiesing, bv. kultuur, sien vereistes soos hierbo uiteengesit.
- Geverifieerde dokumentasie van nasionale/provinsiale liggaam moet aansoek vergesel.

- Maksimum van een Buite-skool balkie 'n jaar, d.w.s een vir sport en/of een vir kultuur.
- Balkies kan nie akkumuleer tot skool-erekleure nie.
- 'n Toekenning kan nie verwerf word indien 'n leerder nie ook deel is van die skoolaktiwiteit nie.
- Kunswedstryde wat deur HMK erken word en waarvoor daar Buite-skool balkies gegee sal word is NEA Eisteddfod (Nasionale vlak) en Con Spirito Forte.
- Aktiwiteite wat onder die kunste val, sal as 'Uitvoerende Kunste' benoem word en in die vermelding sal die prestasie gespesifiseer word.
- Vermelding sal plaasvind in die vorm van kontinue gelukwensing, nuusbriewe, saalopeninge en eervolle vermelding by Laudatio-aand
- Voorbeelde van Buiteskoolse aktiwiteite: duik, tweekamp, driekamp, gimnastiek, aksie-krieket, aksie-netbal, padfiets, korfbal, oopwaterswem, sokker, ringbal, roei, hengel, motor-/motorfiets-wedrenne, judo, karate, martial arts, vlieg, seiljag, dans, drama, modelwerk, ens.

L.W.

- ❖ **Alle navrae rakende die Sportkriteria kan aan die Sporthoof, Mnr. Shaun Jackson gerig word.**
- ❖ **Alle navrae rakende die Kultuurkriteria, kan aan die Kultuurhoof, Mev. Linda Peacock gerig word.**
- ❖ **Die Bestuur behou hul die reg voor om die kriteria te herevalueer en die nodige veranderinge aan te bring.**